

174 Skipstjóra ber, eftir því, sem frekast verður við komið, að æfa skipshöfnina í að
 2/9 '41 nota bátana og bjargtækin. Allir gallar, sem koma í ljós við æfingarnar, skulu lag-
 færðir og árangurinn skráður í eftirlitsbókina.

9. gr.

Þegar venjuleg skoðun á skipi fer fram, hvort heldur er aðal- eða aukaskoðun, skulu skoðunarmenn gæta þess, að ákvæðum þessara reglna sé fullnægt.

10. gr.

Atvinnuáráðuneytið getur veitt tilslakanir frá ákvæðum þessara reglna, þegar ástæða þykir til, og það vegna framkominna upplýsinga, virðist rétt og sanngjarnt.

Skipaskoðunarstjóra er heimilt að veita frest til fullnægingar á ákvæðum þessara reglna, þegar hann telur gildar ástæður fyrir hendi.

11. gr.

Þegar skip fer um ófriðarsvæði, eða þar sem tundurduflahætta er, skulu sérstakar ráðstafanir gerðar til öryggis skipshöfn og farþegum.

Af slíkum öryggisráðstöfunum má nefna:

1. Lokað sé öllum vatnsheldum hurðum og ljórum.
2. Bátahlífarnar skulu teknar af og bátarnir skulu, hvenær sem er, hafðir tilbúnir til að síga á sjó.
3. Allir bátar og flekar, sem eru undir bátsuglum, skulu hafðir eins tiltækir og frekast er unnt.
4. Bjargbelti fyrir alla á skipinu skulu, hvenær sem er, vera tiltæk.

Með reglum þessum eru felldar úr gildi „Reglur um útbúnað skipa, sem eru í förum á ófriðar- eða hættusvæðum“ frá 12. október 1939.

Reglur þessar öðlast gildi þegar í stað.

Atvinnu- og samgöngumálaráðuneytið, 2. september 1941.

Ólafur Thors.

Gunnl. E. Briem.

175 Staðfesting ríkisstjóra á skipulagsskrá fyrir „Minningarsjóð hjónanna Ólafs
 8. apríl Steingrímssonar og Ingibjargar Runólfsdóttur, Hliði á Álftanesi“, útgefin á venju-
 legan hátt að mandatum af dóms- og kirkjumálaráðherra 8. apríl 1942.

Skipulagsskráin er þannig:

SKIPULAGSSKRÁ

fyrir Minningarsjóð hjónanna Ólafs Steingrímssonar og
 Ingibjargar Runólfsdóttur, Hliði á Álftanesi.

1. gr.

Sjóðurinn heitir Minningarsjóður hjónanna Ólafs Steingrímssonar og Ingi-
 bjargar Runólfsdóttur.

2. gr.

Sjóðurinn er stofnaður árið 1941 með 1000 króna dánargjöf dóttur þeirra,
 Guðbjargar Ólafsdóttur frá Söndum í Miðfirði.

Sjóðurinn skal ávaxtast í aðaldeild Söfnunarsjóðs Íslands.

3. gr.

Af vöxtunum skal árlega leggja að minnsta kosti $\frac{1}{3}$ — einn þriðja hluta — við höfuðstólinn, þangað til hann er orðinn 5000 krónur, því næst $\frac{1}{4}$ — einn fjórða hluta — vaxtanna þangað til sjóðurinn er 10000 krónur. Frá þeim tíma skal árlega leggja við höfuðstólinn $\frac{1}{5}$ — einn fimmta hluta — vaxtanna.

Sé ekki þörf á styrkveitingu úr sjóðnum samkvæmt 4. gr., eitthvert ár, þá leggjast ársvextir óskertir við höfuðstól. Höfuðstólinn má aldrei skerða.

4. gr.

Þeim hluta vaxtanna, sem ekki er lagður við höfuðstól, samkvæmt 3. gr., skal árlega verja til styrks einhverjum fátækum sjúklingum í Bessastaðahreppi. Skulu þeir sitja fyrir, er njóta eigi sveitarstyrks.

5. gr.

Stjórn sjóðsins skal skipuð þremur mönnum: sóknarpresti í hinni núverandi Bessastaðasókn, og tveimur konum, sem kosnar séu af atkvæðisbærum konum í Bessastaðahreppi, um leið og kosið er í hreppsnefnd, og eftir sömu reglum.

Stjórnin annast styrkveitingar, semur ársreikning sjóðsins og leggur hann, ásamt fylgiskjölum, fyrir aðalfund sýslunefndar ár hvert.

Staðfesting ríkisstjóra á skipulagsskrá fyrir „Tíu ára áætlunarsjóð“, útgefin á 176
venjulegan hátt að mandatum af dóms- og kirkjumálaráðherra 8. apríl 1942. 8. apríl

Skipulagsskráin er þannig:

SKIPULAGSSKRÁ

fyrir Tíu ára áætlunarsjóð.

1. gr.

Sjóðurinn heitir Tíu ára áætlunarsjóður og er stofnaður af Hannesi Davíðs-syni, Hofi.

2. gr.

Stofnfé sjóðsins eru kr. 350.00 — þrjú hundruð og fimmtíu —. Heimilt er að auka sjóðinn með gjöfum, er þá leggist við upphaflegt stofnfé sjóðsins, enda sé vöxtum af gjafafénu varið samkvæmt tilgangi sjóðsins.

3. gr.

Tilgangur sjóðsins er að hvetja börn, eða aðstandendur þeirra, til að leggja fé það, sem börnunum kann að áskotnast, í Sparisjóð Arnarneshrepps, í Tíu ára áætlunarbækur, samkvæmt tillögu síra Halldórs Jónssonar á Reynivöllum. Tilgangi sínum hyggst sjóðurinn að ná með því að gefa börnum árlega kost á að verða þátttakendur í verðlaunaveitingu fyrir samheldni, en verðlaunaféð eru vextir af sjóði þessum. Skulu verðlaunin ætíð standa á tug króna, vextir, sem eru fram yfir tug eða tugi króna, leggjast jafnan við höfuðstólinn.

4. gr.

Á aðalfundi Sparisjóðs Arnarneshrepps skal árlega draga úr öllum númerum Tíu ára áætlunarinnstæðueigenda, innan 14 ára aldurs, þegar verðlaunafé er fyrir hendi, og hlýtur eigandi hvers númers, sem út er dregið, tug eða tugi króna, eftir